



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ერაძე გაქარია კიკოს ძე



ერაძე გაქარია კიკოს ძე (1867, სოფ. ფარახეთი, ახლანდ. ონის მუნიციპალიტეტი, - 1953), ცნობილი მესტვირე, ერაძეების მესტვირეთა გვარის ერთ-ერთი წარმომადგენელი, ნიჭიერი იმპროვიზატორი, ნახევრად პროფესიონალი. მესტვირეობა ისწავლა ოჯახში, მამისგან. მასთან ერთად დადიოდა საქართვ. სხვადასხვა კუთხეში, 17 წლის ასაკიდან - დამოუკიდებლად. ზეპირად იცოდა უამრავი ლექსი.

შეეძლო სტვირის დაშლა, აწყობა და სხვ. შეხვედრია აკაკი წერეთელს ონში, პოეტის რაჭა-ლეჩხუმში მოგზაურობისას. რეპერტუარში ჰქონდა ე. წ. „დალოცვები“ (მასპინძლის ოჯახის დალოცვა, ნეფე-პატარძლის დალოცვა, ოჯახის წევრების შექება), ლექს-სიმღერები გამოჩენილ ისტ. პირებზე, თავის თანამედროვეებზე, ბიბლიურ პერსონაჟებზე („იესო ქრისტეს ლექსი“, „იობის ლექსი“, „ედემის ლექსი“, „აბრაამის ლექსი“, „სიკვდილ-სიცოცხლის ლექსი“) და სხვ. ე. გამოირჩეოდა განსაკუთრებული მეხსიერებით. მისი რეპერტუარის ზოგი ლექსი ასამდე ტაეპს შეიცავდა. ცნობილია გაქარია მესტვირის სახელითაც.

ლიტ.: ც ა ნ ა ვ ა ა., ქართული მესტვირული პოეზია, თბ., 1953.

მ. შილაკაძე
